

彈言但基虛造操觚謬倍函丈承暉彫斲受
旨執文惟恐愛海波騰玄源秘洩矚法舟之
論喪故叙其時事云

下卷

後序

枝九

邃反私遂反冲上直微反寢反夢反轍反直反列反紕反綆反上反疋反夷反

更反彦反魚反箭反穿反鑿反昨反音反緇反英反詞反上反創反該反古反哀反羣反籍反

亦反才反俊反穎反末反餘反延反頸反下反屈反雄反傑反列反俱反慷反慨反口反

苦反愛反下反刪反略反間反所反繫反烏反方反彈反言反冊反音反造反初反救反

操觚音燭下反音反千反刀反函反丈反音反斲反音反車反正反洩反薛反矚反

視也

阿毗達磨品類足論卷第一 交一

尊者世友造 太宗文皇帝製

大唐三藏聖教序 此号十卷

蓋聞二儀有像顯覆載以含生四時無形潛
寒暑以化物是以窺天鑑地庸愚皆識其端
明陰洞陽賢哲罕窮其數然而天地苞乎陰

一

陽而易識者以其有像也陰陽處乎天地而
難窮者以其無形也故知像顯可徵雖愚不
惑形潛莫覩在智猶迷况乎佛道崇虛乘幽
控寂弘濟萬品典御十方舉威靈而無上抑
神力而無下大之則彌於宇宙細之則攝於
毫釐無滅無生歷千劫而不古若隱若顯運
百福而長今妙道凝玄遵之莫知其際法流
湛寂挹之莫測其源欲知蠢蠢凡愚區區庸
鄙投其旨趣能無疑惑者哉然則大教之興
基乎西土騰漢庭而皎寢照東域而流慈昔
者分形分跡之時言未馳而成化當常現常
之世民仰德而知遵及乎晦影歸真遷儀越

世金容掩色不鏡三千之光麗像開圖空端
四八之相於是微言廣被極含類於三途遺
訓遐宣遵群生於十地然而真教難仰莫能
一其旨歸曲學易遵邪正於焉紛糾所以空
有之論或習俗而是非大小之乘乍訟時而
隆替有玄奘法師者法門之領袖也幼懷貞

敏早悟三空之心長契神情先苞四忍之行
松風水月未足比其清華仙露明珠詎能方
其朗潤故以智通無累神則未形超六塵而
迥出隻千古而無對凝心內境悲正法之陵
遲栖慮玄門慨深文之訛謬思欲分條析理
廣彼前聞截偽續真開茲後學是以翹心淨
土往遊西域乘危遠邁杖策孤征積雪晨飛
途間失地驚沙夕起空外迷天萬里山川撥
煙霞而進影百重寒暑躡霜雨而前蹤誠重
勞輕求深願達周遊西宇十有七年窮歷道
邦詢求正教雙林八水味道食風鹿苑鷲峯
瞻竒仰異承至言於先聖受真教於上賢探

曠妙門精窮奧業一乘五律之道馳驟於心
田八藏三篋之文波濤於口海爰自所歷之
國摠將三藏要文凡六百五十七部譯布中
夏宣揚勝業引慈雲於西極注法雨於東垂
聖教缺而復全蒼生罪而還福濕火宅之乾
皸共拔迷途朗愛水之昏波同臻彼岸是知

交一

二

惡因業墜善以緣昇昇墜之端唯人所託譬
夫桂生高嶺零露方得滋其華蓮出淥波飛
塵不能汚其葉非蓮性自潔而桂質本貞良
由所附者高則微物不能累所憑者淨則濁
類不能沾夫以卉木無知猶資善而成善況
乎人倫有識不緣慶而求慶方冀茲經流施

將日月而無窮斯福遐敷與乾坤而永大

皇太子述

聖記

在春宮日製

夫顯揚正教非智無以廣其文崇闡微言非
賢莫能定其旨蓋真如聖教者諸法之玄宗
衆經之軌躅也綜括宏遠奧旨遐深極空有
之精微體生滅之機要詞茂道曠尋之者不

究其源文顯義幽履之者莫測其際故知聖
慈所被業無善而不臻妙化所敷緣無惡而
不剪開法網之綱紀弘六度之正教拯群有
之塗炭啓三藏之秘福是以名無翼而長飛
道無根而永固道名流慶歷遂古而鎮常赴
感應身經塵劫而不朽晨鐘夕梵交二音於

鷲峯慧日法流轉雙輪於鹿苑排空寶蓋接
翔雲而共飛莊野春林與天華而合彩伏惟
皇帝陛下上玄資福垂拱而治八荒德被黔
黎歛衽而朝萬國恩加朽骨石室歸貝葉之
文澤及蠅蟲金匱流梵說之偈遂使阿耨達
水通神甸之八川耆闍崛山接嵩華之翠嶺

交一

三

竊以法性凝寂靡歸心而不通智地玄奧感
懇誠而遂顯豈謂重昏之夜燭慧炬之光火
宅之朝降法雨之澤於是百川異流同會於
海方區分義摠成乎實豈與湯武校其優劣
堯舜比其聖德者哉玄奘法師者夙懷聰令
立志夷簡神清齟齬之年體拔浮華之世凝

情定室匿迹幽巖栖息三禪巡遊十地超六
塵之境獨步迦維會一乘之旨隨機化物以
中華之無質尋印度之真文遠涉恒河終期
滿字頻登雪嶺更獲半珠問道往還十有七
載備通釋典利物為心以貞觀十九年二月
六日奉

勅於弘福寺翻譯聖教要文凡六百五十七
部引大海之法流洗塵勞而不竭傳智燈之
長皎皎幽闇而恒明自非久植勝緣何以顯
揚斯旨所謂法相常住齊三光之明

我皇福臻同二儀之固伏見 御製衆經論
序照古騰今理合金石之聲文抱風雲之潤
治輒以輕塵足岳墜露添流略舉大綱以為
斯記

阿毗達磨品類足論卷第一

尊者斐造 三藏法師玄奘奉 詔譯

辯五事品第一

有五法一色二心三心所法四心不相應行

五無爲色云何謂諸所有色一切四大種及四大種所造色四大種者謂地界水界火界風界所造色者謂眼根耳根鼻根舌根身根色聲香味所觸一分及無表色心云何謂心意識此復云何謂六識身即眼識耳識鼻識舌識身識意識心所法云何謂若法心相應此復云何識受想思觸作意欲勝解念定慧信勤尋伺放逸不放逸善根不善根無記根一切結縛隨眠隨煩惱纏諸所有智諸所有見諸所有現觀復有所餘如是類法與心相應摠名心所法心不相应行云何謂若法心不相应此復云何謂得無想定滅定無想事

文一

四

命根衆同分依得事得處得生老住無常性名身句身文身復有所餘如是類法與心不相应摠名心不相应行無爲云何謂三無爲一虛空二非擇滅三擇滅

地界云何謂堅性水界云何謂濕性火界云何謂煖性風界云何謂輕等動性眼根云何

謂眼識所依淨色耳根云何謂耳識所依淨色鼻根云何謂鼻識所依淨色舌根云何謂舌識所依淨色身根云何謂身識所依淨色云何謂諸所有色若好顯色若惡顯色若二中間似顯處色如是諸色二識所識謂眼識及意識此中一類眼識先識眼識受已意識隨識聲云何此有二謂有執受大種爲因聲及無執受大種爲因聲如是諸聲二識所識謂耳識及意識此中一類耳識先識耳識受已意識隨識香云何謂諸所有香若好香若惡香若平等香鼻所嗅如是諸香二識所識謂鼻識及意識此中一類鼻識先識鼻識受已意識隨識味云何謂諸所有味若可意若不可意若順捨處舌所嘗如是諸味二識所識謂舌識及意識此中一類舌識先識舌識受已意識隨識所觸一分云何謂滑性澀性輕性重性冷飢渴性身所觸如是諸觸及四大種二識所識謂身識及意識此中一類

文一

五

身識先識身識受已意識隨識無表色云何謂法處所攝色此及五色根於一切時一識所識謂意識

眼識云何謂依眼根各了別色耳識云何謂依耳根各了別聲鼻識云何謂依鼻根各了別香舌識云何謂依舌根各了別味身識云何謂依身根各了別所觸意識云何謂依意根了別諸法

受云何謂領納性此有三種謂樂受苦受不苦不樂受想云何識取像性此有三種謂小想大想無量想思云何謂心造作性即是意業此有三種謂善思不善思無記思觸云何謂三和合性此有三種謂順樂受觸順苦受觸順不苦不樂受觸作意云何謂心警覺性此有三種謂學作意無學作意非學非無學作意欲云何謂樂作性勝解云何謂心正勝觸已勝解當勝解性念云何謂心明記性定云何謂心一境性慧云何謂心擇法性

信云何謂心澄淨性勤云何謂心勇悍性尋云何謂心麤動性伺云何謂心細動性放逸云何謂不修善法性不放逸云何謂修善法性善根云何謂三善根即無貪善根無瞋善根無癡善根不善根云何謂三不善根即貪不善根瞋不善根癡不善根無記根云何謂四無記根即無記愛無記見無記慢無記無明結有九種謂愛結恚結慢結無明結見結取結疑結嫉結慳結愛結云何謂三界貪恚結云何謂於有情能為損害慢結云何謂七慢類即慢過慢慢過慢我慢增上慢界慢邪慢慢者於劣謂已勝或於等謂已等由此正慢已慢當慢心高舉心恃憍過慢者於等謂已勝或於勝謂已等由此正慢已慢當慢心高舉心恃憍過慢者於勝謂已勝由此王慢已慢當慢心高舉心恃憍我慢者於五取蘊等隨觀執我或我所由此正慢已慢當慢心高舉心恃憍增上慢者於所未得上勝證法

六一

六

謂我已得於所未至上勝證法謂我已至於所未觸上勝證法謂我已觸於所未證上勝證法謂我已證由此正慢已慢當慢心高舉心恃慢界慢者於他多勝謂自少劣由此正慢已慢當慢心高舉心恃慢邪慢者於實無德謂我有德由此正慢已慢當慢心高舉心恃慢無明結云何謂三界無智見結云何謂三見即有身見邊執見邪見有身見者於五取蘊等隨觀執我或我所由此起忍樂慧觀見邊執見者於五取蘊等隨觀執或斷或常由此起忍樂慧觀見邪見者謗因謗果或謗作用或壞實事由此起忍樂慧觀見取結云何謂二取即見取戒禁取見取者於五取蘊等隨觀執為最為勝為上為極由此起忍樂慧觀見戒禁取者於五取蘊等隨觀執為能清淨為能解脫為能出離由此起忍樂慧觀見疑結云何謂於諦猶豫嫉結云何謂心妬忌慳結云何謂心鄙悻縛云何謂諸結亦名

縛復有三縛謂貪縛瞋縛癡縛隨眠有七種謂欲貪隨眠瞋隨眠有貪隨眠慢隨眠無明隨眠見隨眠疑隨眠欲貪隨眠有五種謂欲界繫見苦集滅道修所斷瞋隨眠有五種謂見苦集滅道修所斷貪隨眠有十種謂色界繫五無色界繫五色界繫五者謂色界繫見苦集滅道修所斷貪無色界繫五亦亦慢隨眠有十五種謂欲界繫五色界繫五無色界繫五欲界繫五者謂欲界繫見苦集滅道修所斷慢色無色界繫各五亦亦無明隨眠有十五種謂欲界繫五色界繫五無色界繫五欲界繫五者謂欲界繫見苦集滅道修所斷無明色無色界繫各五亦亦見隨眠有三十六種謂欲界繫十二色界繫十二無色界繫十二欲界繫十二者謂欲界繫有身見邊執見見苦道所斷邪見見取戒禁取見集滅所斷邪見見取色無色界繫各十二亦亦疑隨眠有十二種謂欲界繫四色界繫四

無色界繫四欲界繫四者謂欲界繫見苦集滅道所斷疑色無色界繫各四亦亦隨煩惱云何謂諸隨眠亦名隨煩惱有隨煩惱不名隨眠謂除隨眠諸餘染污行蘊心所纏有八種謂惛沉掉舉睡眠惡作嫉慳無慙無愧諸所有智者有十智謂法智類智他心智世俗智苦智集智滅智道智盡智無生智法智云何謂緣欲界繫諸行諸行因諸行滅諸行能斷道諸無漏智復有緣法智及法智地諸無漏智亦名法智類智云何謂緣色無色界繫諸行諸行因諸行滅諸行能斷道諸無漏智復有緣類智及類智地諸無漏智亦名類智他心智云何謂苦智修所成是修果依止修已得不失知欲色界繫和合現前他心心所及一分無漏他心心所皆名他心智世俗智云何謂諸有漏慧苦智云何謂於五取蘊思惟非常苦空非我所起無漏智集智云何謂於有漏因思惟因集生緣所起無漏智滅智

云何謂於擇滅思惟滅靜妙離所起無漏智道智云何謂於聖道思惟道如行出所起無漏智盡智云何謂自徧知我已知苦我已斷集我已證滅我已修道由此起智見明覺解慧光觀皆名盡智無生智云何謂自徧知我已知苦不復當知我已斷集不復當斷我已證滅不復當證我已修道不復當修由此起智見明覺解慧光觀皆名無生智諸所有見者且諸智亦名見有見非智謂八現觀邊忍一苦法智忍二苦類智忍三集法智忍四集類智忍五滅法智忍六滅類智忍七道法智忍八道類智忍諸所有現觀者若智若見俱名現觀

得云何謂得諸法無想定云何謂已離徧淨染未離上染出離想作意爲先心心所滅滅定云何謂已離無所有處染止息想作意爲先心心所滅無想事云何謂生無想有情天中心心所滅命根云何謂三界壽衆同分云

何謂有情同類性依得云何謂得所依處事
得云何謂得諸蘊處得云何謂得內外處生
云何謂令諸蘊起老云何謂令諸蘊熟住云
何謂令已生諸行不壞無常云何謂令已生
諸行滅壞名身云何謂增語句身云何謂字
滿文身云何謂字衆虛空云何謂體空虛寬
廣無礙不障色行非擇滅云何謂滅非離繫
擇滅云何謂滅是離繫

品類足論辯諸智品第二

有十智如前說法智何所緣謂緣欲界繫諸
行及一分無漏法類智何所緣謂緣色無色
界繫諸行及一分無漏法他心^{交一}智何所緣謂

緣欲色界繫和合現前他心心所及一分無
漏他心心所世俗智何所緣謂緣一切法苦
智何所緣謂緣五取蘊集智何所緣謂緣有
漏因滅智何所緣謂緣擇滅道智何所緣謂
緣學無學法盡智何所緣謂緣一切有為法
及擇滅無生智何所緣謂緣一切有為法及

擇滅

何故法智緣欲界繫諸行及一分無漏法
法智知欲界繫諸行諸行因諸行滅諸行能
斷道故何故類智緣色無色界繫諸行及一
分無漏法法智知色無色界繫諸行諸行
因諸行滅諸行能斷道故何故他心智緣欲
色界繫和合現前他心心所及一分無漏他
心心所法智知欲色界繫和合現前他
心心所及一分無漏他心心所故何故世俗
智緣一切法法智知一切法或如理所
引或不如理所引或非如理非不如理所引
故何故苦智緣五取蘊法苦智知五取蘊非
常苦空非我故何故集智緣有漏因法智知
知有漏因因集生緣故何故滅智緣擇滅法
滅智知擇滅滅靜妙離故何故道智緣學無
學法法智知學無學法道如行出故何故
盡智緣一切有為法及擇滅法盡智自徧知
我已知苦我已斷集我已證滅我已修道故

何故無生智緣一切有為法及擇滅若無生智自徧知我已知若不復當知我已斷集不復當斷我已證滅不復當證我已修道不復當修故

法智是幾智全幾智少分若法智是法智全七智少分謂他心智若苦智集智滅智道智盡智無生智類智是幾智全幾智少分若類智是類智全七智少分謂他心智若苦智集智滅智道智盡智無生智他心智是幾智全幾智少分若他心智是他心智全四智少分謂法智類智世俗智道智世俗智是幾智全幾智少分若世俗智是世俗智全一智少分謂他

心智若苦智是幾智全幾智少分若苦智是苦智全四智少分謂法智類智盡智無生智集智滅智應知亦尔道智是幾智全幾智少分若道智是道智全五智少分謂法智類智他心智盡智無生智盡智是幾智全幾智少分若盡智是盡智全六智少分謂法智類智苦

智集智滅智道智無生智亦尔

何故法智是法智全若法智知欲界繫諸行諸行因諸行滅諸行能斷道故何故法智是他心智少分若法智知欲界繫諸行能斷道中他無漏心心所故何故法智是苦智少分若法智知欲界繫五取蘊非常苦空非我故何故法智是集智少分若法智知欲界繫諸行因因集生緣故何故法智是滅智少分若法智知欲界繫諸行滅滅靜妙離故何故法智是道智少分若法智知欲界繫諸行能斷道道如行出故何故法智是盡智少分若法智自徧知我已知欲界繫諸行苦我已斷欲界繫諸行集我已證欲界繫諸行滅我已修欲界繫諸行能斷道故何故法智是無生智少分若法智自徧知我已知欲界繫諸行若不復當知我已斷欲界繫諸行集不復當斷我已證欲界繫諸行滅不復當證我已修欲界繫諸行能斷道不復當修故

交一

十一

何故類智是類智全答類智知色無色界繫諸行諸行因諸行滅諸行能斷道故何故類智是他心智少分答類智知色無色界繫諸行能斷道中他無漏心心所故何故類智是苦智少分答類智知色無色界繫五取蘊非常苦空非我故何故類智是集智少分答類智知色無色界繫諸行因因集生緣故何故類智是滅智少分答類智知色無色界繫諸行滅滅靜妙離故何故類智是道智少分答類智知色無色界繫諸行能斷道道如行出故何故類智是盡智少分答類智自徧知我已知色無色界繫諸行苦我已斷色無色界繫諸行集我已證色無色界繫諸行滅我已修色無色界繫諸行能斷道故何故類智是無生智少分答類智自徧知我已知色無色界繫諸行苦不復當知我已斷色無色界繫諸行集不復當斷我已證色無色界繫諸行滅不復當證我已修色無色界繫諸行能斷道

不復當修故

何故他心智是他心智全答他心智知欲色界繫和合現前他心心所及一分無漏他心心所故何故他心智是法智少分答他心智知欲界繫諸行能斷道中他無漏心心所故何故他心智是類智少分答他少智知色無色界繫諸行能斷道中他無漏心心所故何故他心智是世俗智少分答他心智知他有漏心心所故何故他心智是道智少分答他心智知聖道中他無漏心心所故何故世俗智是世俗智全答世俗智知一切法或如理所引或不如理所引或非如理非不如理所引故何故世俗智是他心智少分答世俗智知他有漏心心所故何故苦智是苦智全答苦智知五取蘊非常苦空非我故何故苦智是法智少分答苦智知欲界繫五取蘊非常苦空非我故何故苦智是類智少分答苦智知色無色界繫五取蘊

交一

十一

非常苦空非我故何故苦智是盡智少分答
 苦智自徧知我已知苦故何故苦智是無生
 智少分答苦智自徧知我已知苦不復當知
 故何故集智是集智全答集智知有漏因因
 集生緣故何故集智是法智少分答集智知
 欲界繫諸行因因集生緣故何故集智是類
 智少分答集智知色無色界繫諸行因因集
 生緣故何故集智是盡智少分答集智自徧
 知我已斷集故何故集智是無生智少分答
 集智自徧知我已斷集不復當斷故
 何故滅智是滅智全答滅智知擇滅滅靜妙
 離故何故滅智是法智少分答滅智知欲界
 繫諸行滅滅靜妙離故何故滅智是類智少
 分答滅智知色無色界諸行滅滅靜妙離故
 何故滅智是盡智少分答滅智自徧知我已
 證滅故何故滅智是無生智少分答滅智自
 徧知我已證滅不復當證故

說一切有部品類足論卷第一

交一

窺反傾庸愚容上音苞反必交控反苦貢疑反魚陵湛

宅反減挹邑音蠢反尺尹鄙反碑美寢夢同二拯反之忍紛

紕反有契反慈朗詎巨音慨反苦愛訛謬同上愚和反

析反先擊翹反渠造邁反莫敗躡反尼輒詢反息句探反

下助反駝反驪反篋反苦估臻反則中泣反玄犬

卉木反許

聖記

十三

闡反昌演軌躡上俱水反綜反于末宏反惠蒞反

反翔音祥黔黎上巨直欲反菴反汝審反蝗蟲直上音昆下匱

求反位甸音嵩華上息弓反靡反靡反韶反齒反

反昌謹反匿反尼力

尋伺下相契反許救反避字警覺上音勇悍下音

恃憊上音莫反結反掉舉上音吊反

嘉定州圓通院了堂高長老捨中純鈔平定助刊

大藏經功德上報

佛恩下實三有法界有情同圓種智者崇天德幸十月朔日意